

KWS Guwahati & Shillong
Joint Fellowship Service at KWS Shillong Church

Dated: 1st October, 2017

Time: 11 am to 3 pm

Shillong, 01-10-17: Jingsah nidan 7:15 am vel in KWSG Houin mun a Rev S Akhai Haokip in Pathen heng'a taona aman jouvin Guwahati City Bus (AS 01 GC 6705) ah Shillong jon din kakalsoung pan tauvin ahi. Lamkah a ima bouina umlouvin aphant chan KWS Shillong mun 10:30 am vel'in kalhun uve.

KWS (S) lamkai hon anneh twidon kitup sel'in ana goung uvin, anneh chaiyin houin akikaipan tai.

Nidan 11:30 am in KWS Shillong P&W team hon thangvah leh vahchoi lasah in mipi ahin lamkai yun, anom lseh jeng'e.

Conductor pun houbung masaho khantou dan Acts 2:43-47 kimu ho lakhom simdohna leh Shillong ten Guwahati visit anabol uh thusim chomcha aseijou vin Guwahati a kon koi-koi hung ahi mipi hetding'in min cheh le panmun phondohna abol'in ahi.

Pa Lalboi, Chairman KWS(S) in ahung kalsoung ho leh houin kaiya hung ho chung cheh a liemna thuseina ana neiyee. Aman ase i na-ah, ibol-itoh-isei jouse hi Pathen ngailutna jal'a bou ibol uh ahijeh in ipipao mang utin hijonleu hen ikihet themto cheh diu ahi tin mipi tiemna aneiyee. KSO(S) annual sport meet ni nga jen go-le-dai noiya ana bol jeh uva KWS(S) member atamjo hung theilou, ahung ho jong aphantcha hung theilou ahi tin akiphatlam nau thu aseiyee.

Liemna thusei kichaiyin KWS(G) Choir hon vahchoila, " Thisan lu, cross thisan, chu thisan chu sang tamtah din damna ahi.." ti ngeitah in ana saovin ahi.

Pa Helhun, Secretary, KWS(G) in phatchomcha houlimna ana neiyin, Shillong hi KWS unit jouse ding'a kingaina-mi upa nahijeh uvin, kiphatlam nading aumpon, seikhel umjongle mi upan anaote angaidam bang'a ngaidam kachan diu kinepna ahi jing'e. Phatsot tah Shillong vilna ding'a kigong jing kahiuvun tunikhoa tohmolso ahi thei jeh in Pathen thangvah aum'e. KWS(S) lamkaiho jindot them ji leh neh le chah kitup sel a neina gonpeh jeh uvin kipana seijoulou aphonhdoh in ahi. Shillong hon Guwahati nahungvil uchun jildoh thei tamtah neidalhah peh uvin, Guwahati ten vang Shillong ho kitilkhouna thei ima jong boldoh-seidoh neijou ding hihih jong uleng, Pathen min a ikikan khom uhi athupi pen a ilah mai diu ahi ati. Chuleh KSO(S) sport meet jeh a thachol mitampi houin kailou ding'a ana umho jong Guwahati te kahung jeh uvin nahung kit uvin, phat ho kichin laitah a houin dimset a ikikhop thei uhi Pathen thilgon ahi tin aseiyee.

Chujouvin UCC akon lamkai khat in KSO(S) Sports meet a kouna ana chan jeh uvin kipathuseina phat ana mangin ahi.

Chujouvin KWS(S) Choir hon vahchoila ngainom umtah aw nemheo chan asaovin mipi lung achohthou lseh e. Vahchoila asah sung uvin, tolom lasah khomna aum'e. Maicham phung'a sum le pai kitohdoh ho achom lam'a phondohna Finance Secretary, KWS(S) in anei jouvin, Pastor KWS(S) in tolom, October lhasung'a ana – pieng (B'day), kichengho (Wedding Anniversary), natohna muho (Service) vangthumpeh nale tolom lhandohna taona ana mang'e.

Pathen thutheng lungchin Phillipi 2:1-18 sung Ng Nemboi in simdohna ana neiye.

Chujouvin Rev Akhai, Pastor KWS(G) profile chomcha mipi hetthei din phondohna aum jouvin thumun sein phat ladin phatmun achang tai.

Thupi, “Mi dang vetjui thei Christian hinkho”

Mi thusei ngaiya ihung ukleh vang mohseh a ikile kit diu ahi. Ama vang Pathen thusei ngaiya ihung uleh, phatchomna pum’a iki nungle diu ahi.

Houin kai masang’a taona mancheh ding hi akul’e.

Phillipian lekhatot hi isim teng mudoh thei chu;

Chapter-1: Christian hinkho pumkhat ding

Chapter-2: Mi dang ding’a vetjui thei hiding

Chapter-3: Christian ho ding’a gihsalna

Chapter-4: Christian ho tilkhouna

#Christian hinkho kiti hi huhhing’a umsa ho tina in ana la-uh hite. Hijeh chun christian hinkho hi athi ahi theipoi, ahin jing ngai ahi. Ajehchu hinkho iman nau hiche leiset hi chonsetna gam ahi.

Bible thu hethem ho chun christianho hi hop thum in ahom khen’e;

1. Professor Christians- akam bouva christian hi, anun-akhan christa kipana thupha toh kitoh louva chon
2. Possession christians- midang ding’a homdohlou
3. Confessor-Christa akisan jou uvin midang jong christa kipana thupha midang kom’a jong aseiphong le uve.

Vetjui thei Christian hina ding’a ngaicha thu li ngaikho chu.

1. **Pathen ngailutna neiding:** Mihem in ngailutna aneilou leh Pathen angailut lou ahi. John in Pathen chu ngailut ahi ati. Paul in ngailutna chu alhem bei hihen ati (Rm 12:9-10). Kiloikhomna, houbung etc ngailu akitam in Pathen ngailu alhom’e. Abraham in Pathen atahsan keo hilouvin ana ngailu-e. Tahsan hi ngailut toh ache khomlou leh alhou/asot poi.
2. **Ngaidamna:** Thildang’a ihaosa naovin, ngaidamna a ihaosa pouve. Eiho hi ivet vet leh ivaichat behseh jeh uvin ngaidamna hinkho mang alhom’e. Kingaidam joulou jeh in mi ijat ithi utam? Mathew 6:12, “...mi sukhel ngaidam lou chu Pathen in jong asukhelna angaidamlou ding ahi..” Colassians 3: 13, “..Christan nagho na-ngaidam bang’un nangho khat le khat ki ngaidam uvin..”. Mi ngaidam lou chun Pathen loupina amulou ding ahi. Joseph sopi hon ama ana bolset lseh vang un Joseph in ana ngaidam’e. Ngaidamna lungchang’a ikivondi hi thilkhoh ahi. John 18:11 achun numei noti nu chu mihon achonset jeh a song’a selih ding agot vang’un, Jesun ana ngaidam’e. Tulai eihon mi bolkel engaidam joulou ajeh pen hi mi se nading song ichoi den-den jeh ahi pen’e. Mi se nading’a song ichoi hou ipai lhah lou uleh igaa theilou diu ahi. Ngaidamna lhahsam jeh in namsung’a thina adim tan, lungnat/lainat aum lseh e.

3. **Thenna hinkho:** Thenna hinkho iman uva kon a midang hon Christian ihu ahin mudoh thei diu ahi. Hebrew achun hitin aseiyee, "thenna hinkho louvin koiman, Pathen amu lou ding ahi, ati". Thenna hinkho hi del ngai ahi. Moh um thim a mu thei hilou ahi. Bible in neh le don adang² minphah hih jongleh Bible thuhil a atheng kiti hi ihet chet teng, atheng le athenglou hetkhen theina alampi-pi um jeng ahi. Daniel hinkho veu hite. Migam'a kaimang'a aum nah a, duchat² um amasang'a aluidoh peh vang uvin, ka Pathen houtoh akitoi poi tin aseiyee ngam'e. Bible thuhil them hon thanei pen thucheng chu, "NO" hi ahi atiuve. Ahinlah hiche thucheng manhi ahah-a-hah ahi. Christian hinkhoa hi NO ti ding tamsah angaiye. Daniel in No ana ti jeh in Pathen lunglhaina amu'n midang jouse hetna-chihna sang in ama a chungnung pen'e. Adih le atah hetkhen them angaiye. Chapang khat apa kom'ah heap judon hi chonset ham tin ana dong'e. Apan jong kichihisah tah in judon hi chonset vang ahipoi, ngolna vang ahi ana tipeh tai. Phat chomkhat jouvin, achapa ahung gollhang tan, apan judon chonset ahipoi ana ti chu akimel chih jeh chun Julesa-khamna theiya ahung lop tan, akhandon lai tah in ahinkho ana beita. Tunia dih isah vang phat khat le min adihpoi ana ti thei ahi. Pathen thu hi atah ahi in phat jousea atah hijing ding ahi.
4. **Kineosah:** Leiset chung'ah Mose tabong'a kineosah ding mi aumpoi (Num 12:3). Mose ana kineosah jeh chun Pathen in amanchan ahi. Hijeh chun OT a 700+, NT a 100+ lang kimin phah ahi. Ikineosah ji lou jeh uva Pathen in eimanchah theilou uh ahi. Pathen thusei minthang D L Moody in hitin ana seiye;

The beginning of greatness is to be LITTLE

The increase of greatness is to be LESS

The perfection of greatness is to be NOTHING

Mathew 7:21 achun Jesun pakai pakai eiti chan chu koima Pa kom lutlou ding koi hileh Kapa lunglam bolchan bou lut ding ahi ati.

Thusei kichaiyin KSO(S) lamkai hon sports meet phate cha-a achai thei jeh un kipana maicham semna le mipi chung'ah kipa thuseina phat amang uve.

Achaina lam in KWS(S) Shillong sung'a hetlouva khoh ho phondoh phat Pa Ngamlan, Secretary in amang in ahi. Next Sunday program phondoh na le hetlouva khoh tampi ana phondoh e. Aman ana sei nah ah KWS(S) houin neo jeh in alen jep sah nathei imun akichohdoh tan, hijeh chun KWS(G) jong tha le jung-sum le pai hijong leh pan alah theina pen-pen a hung pang ding in tepna leh akinepnao thu aseiyin ahi. Chuleh ahung lhung ding 18-10-17, Anglo-Kuki War Centenary kingon toh kisaiyin Guwahati a kon ahung thei chan hung pang tei ding in tepna aneiyee, ajeh chu Shillong te jong Guwahati KUT 2017 kingon a hung pang ding ahi jeh in kithalo ute tin jong aseiyee.

Kaikhom kilhadohna ding'in KWS(G) Choir hon vahchoila asaovin, chujouvin KWS(G) Pastor in khumna taona amangin kaikhom akichai tai.

Kaikhom kikhen in jong KWS(G) vailah tagom in mipi chadon khomna ana um'e.

Kaikhomna asao thim jeh chun thupi sepia ding'a taona mang tam thim dan ahi in, ajeh akikhol² leh KSO(S) Sports meet a kumkhat sun-sun tia tha le jung jokal val a ana seng tamthim dan hin tin, agamkon homo jingkah mukhabehehlou tam thim kit,

shillong ahung lhun2 uva oiva set a anneh twidon akibol kit leh, shillong weather ma chu oiva jouva ihmud nading'a nom ten kit....koima jong ki-oimo chomp on te...

Guwahati nidan 7:30 pm vel in akilelhun in Pa Paominlun Khongsai in Pathen thangvah naleh kipathuseina aman jouvin imun cheh akijon tai.

Guwahati ding'a Bus kakaldoh uleh Shillong Khanglai lamkai hon Golf link hopa thei ahi ahin ti phat un, kaja man kit tapouvin, kaleng suh paiyun, vangphat um tah in golf link ka um sung'un Shillong-Guwahati road hatah in hui le go ana kithon ana chemasa ho jong ana kinga den gam tauve. Golf link kaphah uchun "when in rome do as the romans do" kiti chu alen aneo umlouvin apply kabol pan tauvin...a result whatsapp le fb a hung thang lha tan te.

KWSG thalheng'a anoiya chenghi Shillong gakalsoung ho ahi.

1. Pa Helhun & family-4+1*
2. Pa Hensei & family-4,
3. Pa Manglet & family- 4,
4. Pa T. Hangsing & Family- 4
5. Pa Paocha & Family-2+1*
6. Pa Peter & Family-3+2*
7. Nu Maman-2+1*
8. Pa Haopu-1
9. Pa Paominlun-1
10. Khanglai-32

Total-57+5*

*Sunday school kids beginners☐

Feedback:

Paominlun Khongsai: Joint fellowship akon eiho dia KWS(S) kivaipoh dan jildoh thei kamu phabep.

1. Houin aneo lseh vanga houbung *finance pu touna ding cabin* khat houin sunga kistem peh, laptop a entry abol chet chet. Anatoh achai leh thusei lasah jong phatah a angai thei ding ahi.

2. Houin sung space* neo khat jong kimoh koi lou, amanna ding umchet chet a kistem.
3. Maicham leh hopsom *reciept kihom tho lou*, akoina ding wall letter box 1 kistem ama ama in akilah ding hijeng.
4. Maicham/ hopsom envelop* kistem, achunga amin leh a detail cheng print ngailou'a abailam a seal len khat a kitattho thei dia kistem.
5. Parking space* leh *houin sunga* mipi ho kitup chet a kiheng dimset theiyu.
6. Keyboard 1* mi 2 in ameh kop lhon, khat pan drum akhet, khat joh pan piano ameh, aumdan chu keyboard adang tunbe sanga khat kikop a space save nading himai thei.
7. Welcome chibai* abol thep u chula kidang, kaikhom kipat masanga 3 vei kapot doh, houin kalut seh leh chibai eiki bol talei lei.

Haopu Khongsai:

1. P&W team mipin lasah a kithopi soh kei jeh un *ordinary sound system leh musical instruments* aman vang'un, anom in lhagaova halna aum'e. Lasah a p&w team panhu joh hi sound system leh musical instruments sang'a kul jo ahi proof ahi maiye...
2. Houin neojeh in kinai cha-cha touna akido in, bench ho full capacity in akimang in ahoi l'eh e. Shillong dap jeh jong hintin, eiho kikhopna kehlen be sang'a AC install bol a kingailu to tah a kiphi chet in kitou leh lasah thusei jong nom in te.

Olivia: Anoilang hall a chun projector akoi uvin Pathen thu ngainom nunao chapang leh ahung vaigei ho touna di jong aume kaphatchuom pi l'eh e.



Golfink Shillong



KWS (S) Choir



KWS (G) Choir



